



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Evangelistarivm M. Maruli Spalaten. opus vere
euangelicum, sub fidei, spei & charitatis titulis in septem
libros partitum**

Marulić, Marko

Coloniæ, 1532

VD16 M 1298

de charitate erga proximum. cap. 2.

urn:nbn:de:hbz:466:1-35578

ritate qua etiam improbos diligere dicitur ut creator,
sed qua electos duntaxat amplectitur ut saluator. Hęc
de charitate quam deo debemus, dicta sint satis, si ge-
quam de illa satis dici queat, sine qua nihil est salutare
nihil sanctum, nunc in proximo amoris officia pen-
semus.

De charitate erga prox- imum. Caput II.

Mat.22.

Secundum charitatis mandatum superiori simile
esse dixit dominus : Dilige proximum tuum sicut
te ipsum. Homo ad imaginem & similitudinem
dei factus est, non ad æqualitatem. Ideo simili charita-
te & non pari est prosequendus. Fieri enim non potest ut
creatori æquparetur creatura, & finitus id est cū infinito.
Deū ergo dilige plenus q̄ te ipsum hominem sicut te ipsum
Tunc autem te ipsum diligis, cū illa agis quæ tibi ratio sug-
gerit, non quæ voluptas blanditur: hoc est, cum viam
illam arctam quæ ducit ad salutem ingrederis, non il-
lam latam, quæ ad præcipitiū tendit pditionis.. Quod
si sic alius quoque agere, sicque incedere optas, & quan-
tum in te est compellis, verè dilectionis præceptum ob-
seruasti, æque ac te ipsum proximos tuos amando;. Qui
vero luxuriæ deditus, pernitiosas mortiferasque sequi-
tur voluptates, atque ad eas usurpandas cæteros hor-
etur, certum est ab illo neque se quidem ipsum diligi,
neque proximum suum. Hic nempe se ipsum non modo
non diligit sed etiam odit maxime cum nemo ei capi-
taliōr hostis sit quam ipse sibi, quamdiu vitius malæq;
animi libidini seruit. Quid enim magis noxiū esse po-
test homini quam peccatum , per quod & summum bo-
num amittitur & ad summum malum peruenitur ? Ve-
ra est igitur illa charitas, qua tum nos ipsos tum pro-
ximos nostros ita amamus , ut & peccata caueantur,
& colatur virtus, ac simul iuuetur proximus, & hono-
reitur deus. Oportet itaque finem esse bonum quo diri-
gatur charitas, qui si malus fuerit, quicquid vel sibi vel
amicō blanditus egeris, non charitas est, sed sub chari-

tatis persona latens exitiale odium. A quo quidem di-
 scipulos suos cauere vobis dominus ait: Mandatum no-
 rum do vobis ut diligatis inuicem sicut dilexi vos; Ig-
 tur sicut Christus dominus nos diligit, ita & nos dili-
 gamus nos ipsos, proximosque nostros, non ad pom-
 pam, non ad honores, non ad delicias neque ad opes cu-
 mulandas, sed ad earum rerum exhortationem atque
 cultum, quibus aeternum cælestisque bonum compara-
 tur. In hoc inquit, cognoscunt omnes quia discipuli mei
 estis, si dilectionem habueritis ad inuicem. Non ergo lo-
 qui linguis, neque prophetare, neq; nosse mysteria, ne-
 que habere fidem, neque bona pauperibus erogare, ne-
 que postremo corpus tradere ut ardeat, discipulū Chri-
 sti probant, sed sola ista talis, qualēm debere esse dixi-
 mus dilectio. Quam vū audiūs capiamus, iterum idem
 dominus superiorem sententiam repetit, dicens: Hoc est Iohān, i. 5.
 præceptum meum, ut diligatis inuicem sicut dilexi vos
 Et sequitur: Maiorē hac dilectionem nemo habet, quā
 vt animam suam quis ponat pro amicis suis. Deinde
 paulo post: Hæc mando (inquit) vobis ut diligatis in
 uicem, per hoc quod præcipiendo replicat sepius de di-
 lectione, maiore studio & diligentiore cura sequendā
 esse demonstrat. Quicquid enim magis persuadere cupi-
 mus hoc crebrius auditorū auribus inculcamus. Maxi-
 mam autem charitatem illam dixit, quæ ne vitæ qui-
 dem nostræ parcere nos hortatur dum consulū
 volumus proximorum saluti. Et certe præferendum
 est cuiusque hominis animæ perenne bonum, caducū
 ac transitorio vitæ nostræ bono. Exempli gratia: Sæ-
 uiente in Christianos persecutione aliquis tormento
 necisque metu videtur Christum negaturus, tunc tu
 debes animum ejus in spem vitæ melioris erigere, nec
 pati, vt te tacente & mortis vitante periculum ille se-
 paretur a Christo, iungatur q; diabolo, & in aeternū
 pereat. Mori tibi multo magis expedit, ne frater tuus
 in tartarum corruat, quam vivere, & ei in tanto ani-
 mæ periculo fluctuanti non succurisse. Quod nisi ita
 affectus erga proximum tuum fueris, piæceptum (ve

ego reor) non implesti charitatis. Quomodo enim alterum diligis sicut te ipsum, si tibi parcis & illum perire permittis, cum præsertim patiendo pro domino & te & illum saluare possis, & vna cum illo ad martyris coronam peruenire? Dominus pro seruis passus est, &

1. Pet. 2. 1.

tu pro fratre tuo pati recusasti. Apostoliq; sententiae resistis, dicentis: Christus pro nobis passus est, vobis relinquens exemplum, ut sequamur vestigia eius, sed me mento quia sicut dictum est, nullam esse maiorem charitatem erga proximum quam pro illo animam, id est vitam istam ponere, ita maioris charitatis maius esse meritum & apud dilectionis remuneratorem deum excellentius præmium. Vnde salvator noster notum esse volens, quare mulieri peccatrii multa dimisisset peccata, causam intulit & ait, Quia dilexit multum, simul

Eleemosy
næ distri-
buendæ ra
tio. que subiunxit, Cui autem minus dimittitur minus diligit. Cæterum in omni vitæ necessitate ordo tenendus est indigentibus subueniendi. In rerum pari inopia, p

inquieribus prius opem feras, quam minus propinquis, & domesticis quam extraneis, & fidelibus quam infidelibus, & bonis denique quam malis. Jesus enim dominus noster ante se a pastoribus qui in Iudæa erat quam ab alienigenis adorari voluit, & ante in Nazareth, ubi nutritus & educatus fuerat, Isaïæ prophetiā recitando se manifestum fecit quam Hierosolymis, & ante Iudæos ea quæ fidei sunt docere studuit, quam alienigenas nationes. Quam quidem rem postea apostoli quoque ipsi confessi sunt, ad illos dicentes: Vobis opportuit primum prædicari regnum dei, sed quia indigne eo vos fecistis, ecce conuertimur ad gentes. Itaq; in distri:buendis ex charitate rebus, in eos qui pariter indigent, ratio aliqua ducenda erit cognitionis, conditionis, religionis, ac bonitatis, & hoc quoties opus erit vel docere ignaros vel corripere delinquentes, vel exhortari pigros, vel consolari afflictos, vel tolerare iniuriosos, vel etiam pro persecutoribus orare. Item cum oportebit pascere esurientes potare sifientes inservire infirmos, suscipere peregrinos, tegere nudos, re-

Actu. 13.

dimere captiuos, & funerare defunctos. Atque hæc fe-
re sunt charitaris pietatisque officia lucis æternæ mer-
cede compensanda, nisi forte aliquo inanis iactatiæ fu-
mo infecta fuerint atque obscurata: de quibus singulis
erit suo loco differendum. Interim autem etiam inimi-
cos amare a domino dicamus.

De charitate erga inimicos

Caput III.

Diligite (inquit) inimicos vestros, benefacite îs
qui oderunt vos, & orate pro persequentibus Mat. 5
& calumniantibus vos. Quoniam tribus quidē
modis ab aduersariis nostris offendimur, his îsdem ut
illis propitiemus iubemur, hoc est, corde, opere, & ore.
Illi in corde odium scruant, tu retine dilectionem: illi
opere lœdunt, tu beneficiis contendere: illi ore detrahunt
conuictiantur, maledicunt, tu pro eis ut sese corrigan,
& correcti saluentur deprecare, sequitur enim: Ut sitis
filii patris vestri qui in cælis est, qui solem suum oriri
facit super bonos & malos, & pluit super iustos & iniu-
stos. Vide quāta est huiuscē dilectionis merces, bonum
pro malo reddendo filii dei efficiuntur, deoque similes
reddimur. Ille solis pluviæque beneficium, hoc est, tem-
poralium bonorum usum, tam malis quam bonis com-
munem esse voluit; ut tu & charitatem tuam sicut cum
amicis, ita & cum inimicis communices, omnibus pro
desse, nulli nocere cupiens. Quid aut̄ inter amicos inimicorumque
dilectionem intersit, declarat, dicens: Si
enim diligitis eos qui vos diligunt, quam mercedem
habebitis? nonne & publicani hoc faciunt? Et si saluta-
ueritis fratres vestros tantum, quid amplius faciisse?
nonne & ethnici hoc faciunt? Amare quippe amantem
naturæ lex est: amare vero inimicum, filiorum dei pro-
prium est & sectatorum C H R I S T I. Quāmob-
rem concludens ait: Estote ergo vos perfecti, sicut
& pater vester cœlestis perfectus est. Sicut ille perfectus
est secundum immensitatem diuinæ naturæ, ita & vos
estote perfecti iuxta mensuram atq; paruitatem natu-
ræ vestræ hūanæ, sed nemo in se confidat, unusq; im-